




Le scrije a Gejù Bambin



Idiom: Gherdëina
Meludia: Stefan Insam
Test: Stefan Insam
Ann de publicazion: 2009

Le scrije a Gejù Bambin
Gejù Bambin,
te ne es nia drë de me scinché zeche
chëst ann da Nadel,
ajache ie é bele
chël che me fej legrëza:
na bona mami y n bon tati che me à gën,
na pitla sor che me tën cumpania
y fajon for tan bel damat,
y po' mo jënt daulëibon
ntëurvia che cëla sun mé...
Ma n grum de autri pitli mutons
ne n'à nia tan bel coche ie,
chi che ie amalei,
chi che ie restei sëui y pueresc.
Prëibel scinca a d'ëi n pue' de legrëza,
n tòch de pan y speranza,
acioche i po' crëscer su cuntënc.
Chësc ulëssi, Gejù Bambin.